



周清外史
卷八

馬杉
繫著

周清外史

元




十八

4
22
1

東 京 圖 書 館

三 冊	一 號	一 架	四 函	屬 類
--------	--------	--------	--------	--------

外史



元地理志音

通志卷之八

高麗朝版



開元路在開原縣咸平府在開原縣南

愛尔在和嶺
山喀今寓北
東枕喀路省



家機等三十餘路均
在今永昌順寧南境

軍陽吉

姓奇渥温 蒙古部人初號國曰契丹

太祖鐵木真

太宗窩濶台

定宗貴

憲宗蒙哥

元

世祖

成宗

武宗

仁宗

英宗

世祖曾孫

泰定帝

天順帝

武宗子明宗

弟文宗

明宗第三子寧宗

明宗庶長子惠宗

僭國

天完

徐壽輝

周

張士誠

宋

韓林兒

漢

陳友諒

夏

明王珍

姓奇渥温 蒙古部人初號國曰契丹

太祖鐵木真

太宗窩濶台

定宗貴

憲宗蒙哥

元

世祖

成宗

武宗

仁宗

英宗

世祖曾孫

泰定帝

天順帝

武宗子明宗

弟文宗

明宗第三子寧宗

明宗庶長子惠宗

僭國

天完

徐壽輝

周

張士誠

宋

韓林兒

漢

陳友諒

夏

明王珍

周清外史卷之十八

日本

馬杉繫文苞著

清

王治本叅園閱

奇渥温氏正記

元

元之先詳於宋記中今不贅於此

元之先蒙古部長奇渥温鐵木真自建國於遼北

稱帝五世七十四年奇渥温忽必烈始滅宋時至

元十六年二月也是月宋遺臣張世傑蘓劉義自

厓山赴占城將海路奔安南會颶風大作將士勸

宋張世傑投海死

世傑登岸避難。世傑曰：颶今至此，天亡我也。即登舵樓焚香，祝曰：我為趙氏亦已盡矣。一君亡，復立一君，今復亡，而我未死者，庶幾猶求趙氏遺孽以存祀耳。然今若此，豈天意耶？時風濤益急，世傑自投海死。劉義僅免出海洋，為其下所殺。都元帥張弘範已克厓山，置酒大會，謂宋俘文天祥曰：國已亡，汝忠孝亦盡矣。輒以事宋之心事元，將不失為宰相也。天祥泫然泣下，曰：國亡不能救，為人臣者死有餘罪，况敢逃其死而貳其心乎？弘範義之，遣

宋文天祥下獄

使押送天祥北赴燕。天祥道經吉州，痛恨不食八日。猶生，乃復食。吉州，天祥鄉里也。十月，至燕。丞相博羅慰諭欲降天祥，不從。博羅乃欲殺之。上及諸大臣不可。弘範亦表奏請宥其死。博羅不得已囚天祥。天祥遂下獄，勵操愈堅。先是高麗入貢，既久，上謀因通日本。使秘書監趙良弼等齎國書至日本。日本却之不答。及宋亡，上復欲通好。十七年二月，詔遣禮部侍郎杜世忠、兵部侍郎何文著等齎國書赴日本。日本執權北條時宗執世忠、文著等

遣使日本

忻都襲日本不利選

出師東海伐日本

悉斬之。上怒甚。征東元帥忻都、洪茶丘請帥師赴討。廷議且緩之。復遣周福、欒忠及僧靈果等說通好之利。日本太宰府守將北條實政殺福忠，拘靈果不返。上益怒，命忻都赴伐。忻都帥精兵三萬，戰艦四百五十艘，泛海襲對馬州。斬守將惟宗助國，又攻壹岐州。斬守將平景隆，遂取二州。悉殺其兵民，進逼太宰府。戰不利。副將劉復亨為太宰府將少貳景資所射死。是夜大風雨，軍皆潰歸。既而高麗王高瞻入朝，乃曰：願假兵三萬以擊日本。上喜。

平壺島即平戶島也音相通

是冬命右丞阿刺罕、范文虎等帥兵十餘萬，戰艦二千艘，東渡海，以高麗兵一萬為前導。十八年五月，進取平壺島，以攻太宰府。府兵築塢海岸，延袤數百里，據以亂射。諸艦不得肯前。敵將河野通有大友貞親、秋田二郎、草野七郎等，駕輕舸來戰，悍勇不可當。衆多死傷。阿刺罕下令連鎖巨艦，伏弩亂發，敵兵披靡。獨通有挺進，躍入我船，以短兵格鬪。衆不能支。阿刺罕被創，駕輕舸走。忻都遂為通有所擒。未幾阿刺罕卒於平壺島。上聞之，命阿答

多賀島在肥前海
范文虎見肥海不知火而驚走

征日本師大敗其得還者三人

德祐幼君福王與芮也

海赴軍。七月。阿答海未至。范文虎轉軍於多賀島。時硫氣四塞。文虎疑海中有異。駕單艇遁歸。是月晦。颶風大作。海水簸蕩。敗舟漂溺。無算。諸將各擇堅艦。棄士卒十餘方於平壺。多賀二島遁歸。眾推張百戶者為帥。伐木作舟。以為歸計。日本諸將覘知之。帥眾襲殺殆盡。惟餘南人萬餘。不殺而奴之。其得還者僅三人。高麗兵一萬。死者七千餘人云。先是宋俘文天祥在燕京。丞相博羅數見論降之。天祥長揖不屈。博羅曰。德祐幼君非爾君耶。棄嗣

二王。益王是衛王昺。並度宗之子也。天祥引孟子語以答

而立二王。忠乎。天祥曰。德祐吾君也。不幸失國。當此之時。社稷為重。君為輕。二王之立。所以為宗廟社稷計也。博羅曰。汝立二王。做得甚事。天祥曰。國家不幸喪亡。吾立君以存宗廟。存一日則盡臣子一日之責。人臣事君。如子事父母。父母有疾。雖甚不可為。豈有不下藥之理。盡吾心而不可為。則天命也。今日天祥至此。唯有死而已。何必多言。博羅大怒。至是天祥幽居土室。既三年矣。身不堪陋隘。乃作正氣歌。以遺慷慨幽悶之情。聞者莫不悲歎。

詔諭宋俘文天祥降不從

時上求南人有才者甚急。宋降將王積翁薦天祥。上即命積翁諭旨。欲擢用之。天祥曰。國亡。吾分一死耳。何貳其心。固辭不從。積翁乃謀與宋降臣留夢炎等十人。釋天祥為道士。夢炎不可。事遂寢。上知其不可屈。偶有以天祥謀起兵江西之事為言者。上甚惑焉。十九年冬。中山有狂人。自稱宋主。聚眾數千人。謀奪天祥去。京師戒嚴。上召天祥親諭事於朝。天祥曰。吾受宋恩為宰執。安事二姓。願賜一死則足矣。上猶不忍殺之。左右皆勸上從其請。

斬宋俘文天祥

因命有司斬於燕京之柴市。俄有詔止之。使者至。則天祥已死矣。天祥臨刑。從容謂吏卒曰。吾事畢矣。南向再拜而斃。年四十七。其衣帶有贊云。孔子曰。成仁。孟曰取義。惟其義盡。所以仁至。讀聖賢書。所學何事。而今而後。庶幾無愧。數日。其妻歐陽氏收屍。面如生云。南北人皆為流涕。有張毅甫者。負天祥骸。歸葬吉州。適天祥家人。亦自惠州奉其母喪至。人以為忠孝所感。天祥為人豐下。兩目炯然。善談論。飲酒能多而不亂。有忠孝大節。博學尤長詩。

再伐日本

文其平生所居對文筆峰因自號文山初平壺島之敗上憤日本虜殺我兵二十年四月復命高麗王高瞻及阿塔海帥師往擊之詔各路拘集水手造海船中丞崔彧言江南盜賊相繼而起民不聊生今復大舉東征臣不知其可願姑止之俟民力稍備然後征之上弗從更置征東行省以阿塔海為左丞相統之劉國傑陳巖為左將洪茶丘為右將先是阿合馬專政阿合馬卒後其黨盧世榮等連獻射利之策迫脅諸路以誅求民財狂悖尤甚

戴音囚

誅奸吏盧世榮

自江西榷茶運轉使進居中書數月誣殺左司郎中周戴等異於已者恣行濫刑無有忌憚丞相安童等畏懼唯擁虛位耳二十二年冬監察御史陳天祥上疏劾世榮犯賊罪且言其所行頗多虛偽諸民愁苦之狀上命丞相安童等雜問其罪世榮伏罪乃誅之剗其肉太子真金素惡世榮奸濫至是世榮之黨疑太子所構陷太子性仁孝儉恕少從姚樞竇默學尤優禮大臣一時在師友列者非朝廷名德則布衣節行之士其中書日久明於

聽斷聞四方科徵輓漕造作和市有係民之休戚者。奏匡正之。以此中外歸心焉。江南行省嘗以歲課羨鈔四十七萬貫來獻。太子怒曰。朝廷但令爾等安百姓。百姓安。錢糧何患不足。百姓不安。錢糧雖多。能自奉乎。盡却之。中庶子伯必使其子阿八赤入見。諭太子遍讀中國書籍。太子喜。因命治書侍御史王暉著承華事略上之。閱覽大善其說。時上春秋既高。南臺御史上書請內禪。太子聞之懼。臺臣因寢其奏。然阿合馬。盧世榮之遺黨。塔郎古

羨餘也

阿散等請收百司吏案鉤考天下錢穀。欲以發之。都事尚文曰。是欲上危太子。下陷大臣也。遂語御史大夫及丞相。先入奏之。以謀發其奸。上震怒曰。汝等無罪耶。丞相進奏曰。臣等無所逃罪。但此輩名載刑書。而為此舉。實動搖人心耳。太子益憂懼不自安。尋薨。年四十三。上憂悼不樂。命征東諸將急伐日本。二十三年三月。阿塔海。洪茶丘等。以次而發。衆號五十萬。八月。諸軍會合浦。有司徵斂。大

太子真金薨

為奸利。吏部尚書劉宣上書言。近議再伐日本。此

劉宣諫伐日本

役也。國家安危所繫。又近用唆都議。伐占城。征交趾。三數年間。吏民大擾。盜賊蜂起。且交趾小邦。大軍猶無功。而反。况日本海洋万里。非占城交趾之比。万一不利。援兵安能飛渡海耶。上納其言。詔罷征日本。專事伐安南。命阿里海涯等。大徵各路兵。仍遣鎮南王脫歡。將之以行。安南王弟陳益稷。歸順。封為安南王。約以兵納其國。先是安南歸順。朝貢已久。以故劉宣復上言。諫之。廣湖宣慰使亦上表。乞罷交趾兵。以救民困。詔從之。令脫歡班師。處

詔罷伐日本

伐安南

益稷於鄂州。安南王日烜怨之。脫歡赫怒。上表留師於廣西。以伺動靜。日烜果出兵。扼富良江。脫歡益怒。二十四年冬。帥諸軍渡富良江。擊敗其守兵。進次交趾城下。日烜畏懼。棄城走。噉喃堡。脫歡遣兵追躡。日烜遂竄於海。不知其所之。右將阿八赤曰。賊棄巢穴。遠遁。此欲待吾弊而後乘之也。顧我將士皆北人。春夏之際。瘴癘將作。賊若不就擒。饋餉且盡。吾不能持久矣。乃不如早班師。脫歡不聽。已而日烜遣使。佯請降。諸將皆欲納其降。久之不

唐清外史 卷之八
來降。擁衆據海口。二十五年春。阿八赤率衆赴攻。將士多疾疫。不能進。於是諸南蠻復叛。我之所獲。險阨皆失守。諸將遂謀引還。時脫歡次內傍。閔日。烜復集兵三十萬。守禦東關。遇脫歡歸路。諸軍且戰且行。日數十合。賊據險連發毒矢。士卒裹瘡而戰。左將樊楫。右將阿八赤皆死之。前鋒將昔都兒奮鬪。交人少却。由是脫歡自間道走歸。軍器資財悉委棄。日烜尋遣使入貢。以謝前罪。上以脫歡無功而還。令出鎮楊州。終身不許入覲焉。脫歡上之。

征安南師敗歸

宋謝枋得不應

庶子也。先是宋江西招諭使。知信州謝枋得。遁居建陽。至是侍御史程文海訪求江南人才。薦宋遺臣三十人。枋得亦在其列。枋得方丁母憂。乃遺書文海曰。吾所以不死者。以九十三歲之母猶在耳。母以今年正月考終焉。吾無復意人間事矣。亡國之大夫。不可與圖存。李左車猶能言之。况稍知詩書識理義者乎。吾之至愚極闇。不可以辱召命。亦明矣。已而遣宋叛臣留夢炎書。辯論凡數千言。卒不應召。是冬丞相桑哥置徵理司於諸路。鈎考錢

枋得安仁之敗
在景炎元年

穀程文海入朝言其不可。桑哥怒請除文海上不
允。桑哥留文海不遣。於是江南舉才之命不行。福
建參政魏天祐欲薦枋得應上意遣使誘致枋得
與語枋得沈默不對。或媢言無禮。天祐不能堪。乃
讓曰。君封疆之臣。安仁之敗。何不死。枋得曰。程嬰
公孫杵臼二人皆忠於趙。一存孤。一死節。王莽篡
漢。龔勝餓死。司馬子長云。死有重於泰山。輕於鴻
毛。參政豈足以知此。天祐怒逼之北行。枋得以死
自誓。自離嘉興。不食二十餘日。不死。乃復食。既渡

瀛國公帝熱也
元人已害之
宋謝枋得不食
而死

采石。惟茹小蔬果以行。二十六年四月。至燕。先問
謝太后及瀛國公所在。慟哭疾甚。留夢炎使醫持
藥。雜米飲進之。枋得怒擲之地。不食五日而死。其
子定之。護骨歸葬信州。枋得天資嚴厲。雅負奇氣。
風岸孤峭。不能與世軒輊。而每論樂毅申包胥張
良諸葛亮事。若有千古之憤者。然以植世教立民
彝為任。貴富賤貧。一不動其中。初北行也。作詩別
門人故友。其辭慷慨激烈。真有頑夫廉懦夫立之
意思云。此時以桑哥鉤考錢穀。貪歛財賂。天下騷

奉御職名

徹里彈桑哥

然。然憚桑哥威權。中外莫敢言者。集賢直學士趙孟頫說奉御徹里謀劾其奸。二十八年正月。上畋灤北。徹里乘間入見。劾奏桑哥詞語激烈。上怒其毀詆大臣。命衛士批其頰。血湧口鼻。徹里不屈。辯論愈力。曰。臣與桑哥非有仇。所以力數其罪。而奮不顧身者。正以為國計耳。苟畏聖怒不言。則奸臣何時除。民害何時息。上大悟。由是刑部尚書不忽木。御史月兒魯。杜思敬等。相繼論駁桑哥奸權。上遂下詔。免桑哥官。命徹里率衛士三百人。籍桑哥

征琉球使無功而還

家所得珍寶財貨多於內庫。左丞阿魯渾。右丞葉李。以連坐免官。籍其家貲。拜完澤尚書右丞相。以不忽木為平章政事。琉球島在閩海之東。地小而險。海船萬戶。楊祥以兵往伐之。遇風濤而還。閩人吳志斗。自言熟知海路。宜先招諭之。不從。則用兵。未必晚矣。上然之。是秋。詔以楊祥。阮鑑。吳志斗為宣撫使。往招諭之。明年。志斗卒於行路。祥遂不得至琉球而還。初。鎮南王脫歡伐安南。軍敗而還。上怒安南兇抗不已。欲再伐之。適安南王日烜

奉御職名

徹里彈桑哥

然。然憚桑哥威權。中外莫敢言者。集賢直學士趙孟頫說奉御徹里謀劾其奸。二十八年正月上。敗渤北。徹里乘間入見。劾奏桑哥詞語激烈。上怒其毀詆大臣。命衛士批其頰。血湧口鼻。徹里不屈。辯論愈力。曰。臣與桑哥非有仇。所以力數其罪。而奮不顧身者。正以為國計耳。苟畏聖怒不言。則奸臣何時除。民害何時息。上大悟。由是刑部尚書不忽木。御史月兒魯。杜思敬等。相繼論駁桑哥奸權。上遂下詔。免桑哥官。命徹里率衛士三百人。籍桑哥

征琉球使無功而還

家所得珍寶財貨多於內庫。左丞阿魯渾薩里石丞葉李以連坐免官。籍其家貲。拜完澤尚書右丞相。以不忽木為平章政事。琉球島在閩海之東。地小而險。海船萬戶楊祥以兵往伐之。遇風濤而還。聞人吳志斗自言熟知海路。宜先招諭之。不從。則用兵。未必晚矣。上然之。是秋詔以楊祥阮鑑吳志斗為宣撫使。往招諭之。明年志斗卒於行路。祥遂不得至琉球而還。初鎮南王脫歡伐安南。軍敗而還。上怒安南兇抗不已。欲再伐之。適安南王日烜

遣使安南

弟日燇襲位。上以謀於不忽木。對曰：彼山海小夷，以天威臨之，寧不震懼？宜遣使諭之，遂以禮部尚書張立道嘗使安南有功，復往徵其王入朝。二十九年夏，日燇先遣使者隨立道來。上表修歲貢禮。時有忌立道之功者，乃言：彼必先朝而後可受貢也。日燇聞之，疑懼，卒不入朝。先是右丞孟洪赴瓜哇國諭降，瓜哇人黥洪面放還。上怒甚，至是命亦黑迷失。史弼、高興等諸將將兵三萬赴討。適瓜哇國王為鄰境葛郎國王所殺，其婿土罕必閣耶迎

史弼等伐瓜哇軍敗而還

伯顏敗海都

史弼求救。弼等於是攻取葛郎，擒其國王。已而土罕必閣耶叛，追擊弼等軍。弼等力戰，僅得班師。然死者三千餘人，所失資實亦甚多。上既一統中國，用夷化夏，乃欲混同八荒，數出師於邊遠，皆無功。伯顏以耆老大將，久守北邊，或譖曰：伯顏私與海都人通好，以故未有尺寸之功。上於是立皇孫鐵木耳為太孫，出監伯顏軍。時海都兵寇邊，伯顏欲以奏功表實，自督所部五萬人與海都兵戰。七日夜，遂大敗之。乃上疏辭職，授將印於太孫。太傅

世祖崩

王昔帖木兒而還。太孫舉酒餞之曰。公今去矣。何以教我。伯顏舉酌酒。示曰。可慎者。惟此與女色耳。三十一年正月。上弗豫。伯顏馳自北軍還至上都。上既崩。上自嗣位稱帝。二十年矣。日夜勵精。以策一統中國。自其滅宋。十五年於此。遂成其志。設立學校。愛養黎庶。皇張綱紀。所以立後昆之制者。宏遠矣。先是。故木華黎曾孫碩德。既卒而家貧。其妻出玉璽一面鬻之。或以告御史中丞崔彧。彧檢之。乃蒙古主歷代傳國璽也。因獻之。故太子真金

妃弘吉刺氏。弘吉刺氏。太孫之生母也。至是。伯顏等建議。遣右丞張九思齎玉璽迎太孫。四月。太孫鐵木耳。自北軍還至上都。伯顏等俱勸進太孫。時有諸王違議者。王昔帖木兒曰。宮車晏駕。神器不可久無主。且傳國寶。既有所歸。晉王甘麻剌。先帝之弟也。身為宗盟之長。何俟而不一言。晉王曰。太孫踐祚。願北面事之。王昔帖木兒曰。大事已定。吾死且無憾。伯顏亦握劍立殿陛。宣揚顧命。述所以立太孫之意。辭色俱勵。諸王皆股栗。合辭勸進。太

成宗立

孫遂即位。謚先帝曰世祖皇帝。以皇后弘吉刺氏既薨。尊生母弘吉刺氏曰皇太后。初太祖起兵。弘吉刺之族從軍有功。尋納其女為后。遂與約曰。弘吉刺氏為后。平章政事不忽木。先朝顧命之重臣也。上每廷議。必多采其言。先朝殊崇佛法。西僧乘勢貪賂。驕奢擬王公。至是不忽木奏議。悉斥之。是冬。太傅兼知樞察院事伯顏卒。伯顏深沈有謀畧。嘗將二十萬衆伐宋。其進退之若神明。還朝未

不忽木亦好僧

伯顏卒

使僧寧一山於日本。遂不返。成宗崩

嘗言。功。後鎮北邊。十五年如一日。終建定策之功。詔贈太師。追封淮安王。初世祖伐日本。以兵屢敗。屢其不可力取。更遣補陀山僧。及王積翁等往諭。皆不達。世祖齋志而崩。上欲成其遺意。大德三年春。命江浙僧寧一山齋。詔書使日本。一山留不復命。由是後遂不得通日本。十一年正月上崩。謚成宗皇帝。帝承天下混一之後。憂國愛民。為母后創建五臺山寺。每作佛事。輒釋罪囚。真守成之主也。其在位十三年矣。改元者二。曰元貞。大德。先是容

靜脩先生劉因
仁山先生金履
祥貞敏先生蕭
欒

城有劉因者。蘭溪有金履祥者。奉元有蕭欒者。皆
宋末篤學之士。朝廷屢徵不至。以道自任。世祖嘗
歎曰。古有所謂不召之臣。其斯人之徒歟。及成宗
朝。復徵之。不至。時人稱曰三處士云。成宗太子德
壽既薨。姪懷寧王海山即位於上都。改元至大。既
而詔曰。先孔子而聖者。非孔子無以明。後孔子而
聖者。非孔子無以法。所謂祖述堯舜。憲章文武。儀
範百王。師表万世者也。於戲父子之親。君臣之義。
永為聖教之尊。天地之大。日月之明。奚罄名言之

武宗立

詔追尊孔子祀
其廟

關里孔子廟呀
在

阿沙不花忠諫

妙。尚資神化。祚我皇元。乃遣使關里。以太牢祀孔
子廟。加封至聖文宣王。為大成至聖文宣王。御史
大夫阿沙不花。嘗見上容色日悴。乘間進奏曰。陛
下。八珍之味。不知御。万金之身。不知愛。惟麴蘖是
好。妃嬪是耽。是猶兩斧伐孤樹。未有不顛仆者。陛
下縱不自愛。獨不思祖宗付託之重。天下仰望之
切乎。上大悅曰。非卿孰為言之。因命賜酒。阿沙不
花頓首謝曰。臣方欲陛下節飲。今反侑之。是臣之
言。不信於陛下也。臣不敢奉詔。左右皆賀。上得直

武宗崩

臣上亦深服阿沙不花忠貞。詔拜右丞相。四年正月。上崩。謚武宗皇帝。帝當富有之大業。慨然欲創治。改法而有為。故其封爵太盛。賜賚太隆。動失泛濫。其崇佛教殊甚。置帝師國師。僧命與皇勅並行。至元大德之政。於是稍變矣。三月。太弟愛育黎拔力八達即位。以尚書右丞脫虎脫等變亂舊章。流毒百姓。凡誤國者。欲悉按誅之。延慶使楊朶兒只諫曰。為政而首尚殺。非帝王之治也。上感其言。特誅其尤者數人。詔罷尚書省。上性恭儉。通達儒術。

仁宗立

仁宗崩
英宗立

兼曉佛典。不事遊畋。不喜征伐。不崇貨利。孜孜為治。一遵世祖成憲。在位九年而崩。改元者二。曰皇慶。延祐。謚曰仁宗皇帝。太子碩八剌即位。改元至治。右丞相鐵木迭兒專政。多斃忠良異於己者。上赫怒。密與太后及拜住等謀。奪其官爵籍財產。以拜住代之。迭兒之黨鐵失等不自安。會上以夜寢不寧。命作佛事。拜住以國用不給。諫止之。鐵失等陰誘群僧言。國當有厄。非作佛事。行大赦。無以禳為。拜住叱僧曰。爾輩不過圖得金帛而已。又或欲

庇有罪耶。奸黨聞之。益懼。三年八月。上南巡駐蹕南陂。鐵失與諸王按梯不花。知樞密院事也。先鐵木兒。前平章政事赤斤鐵木兒謀。乘夜襲殺右丞相拜住。直進犯禁幄。鐵失手弑上於卧所。上性至孝。事多明斷。然以果於刑戮。奸黨遂構大變。崩年二十一。謚曰英宗皇帝。晉王也。孫鐵木兒即位於龍居河。世祖長孫晉王甘麻刺之子也。以也先鐵木兒為右丞相。倒刺沙為平章政事。鐵失知樞密院事。諸王買奴諫曰。不詰凶逆。則陛下善名不著。

鐵失弑英宗

泰定帝立

泰定帝崩

燕鐵木兒誅亂

天順帝立

上以為然。是冬。下詔收也先鐵木兒及鐵失等元惡數人。悉誅之。配流逆黨按梯不花等數人於僻遠。追尊皇考晉王甘麻刺廟號顯宗。泰定元年三月。立皇子阿速吉八為太子。四年七月。上崩於上都。簽樞密院事燕鐵木兒欲迎立懷王圖鐵木兒。執中書御史烏伯都刺等下獄。太子阿速吉八時年五歲。即位於上都。改元天順。謚先帝曰泰定皇帝。遣梁王王禪。遼王脫脫。右丞相塔失鐵木兒等。將兵討燕鐵木兒。不利。諸將多戰沒。九月。燕鐵木

懷王及逆

兒勸懷王襲帝位。懷王以兄周王和世球在漠北。欲虛位俟之。燕鐵木兒曰。人心向背之機。間不容髮。一或失之。噬臍無及。懷王遂襲位。改元天曆。詔四方曰。謹俟太兄之至。以遂固讓之心。乃封燕鐵木兒為大平王。十月。懷王兵攻陷上都。梁王王禪遁走。遼王脫脫戰死。天順帝不知所終。十一月。懷王遣使迎兄周王和世球於漠北。周王武宗長子也。初武宗崩。弟仁宗立。約以次傳位於和世球。丞相鐵木迭兒欲固位取寵。乃建議立仁宗之子英

懷王兵陷上都

天順帝戰沒

明宗立

宗為嗣。遂諧和世球。貶封周王。出鎮雲南。王逃居漠北。至是從弟懷王勸進。即位於和寧之北。是為明宗皇帝。天曆二年春。詔以燕鐵木兒為太師。立懷王圖鐵木兒為太弟。八月。上南還。次於旺忽察都。太弟出迎之。上暴崩。太弟遂襲位。是為文宗皇帝。武宗次子也。至順三年八月。上崩於上都。在位五年矣。姪郕王懿璘質班即位。時年甫七歲。明宗第二子也。太后弘吉刺氏臨朝同聽政。上在位僅二十五日而崩。謚寧宗皇帝。太師燕鐵木兒請立

明宗暴崩

文宗立

寧宗立

寧宗崩

寧宗弟燕鐵古思時明宗長子妥懽鐵木兒居廣西之靜江太后曰燕鐵古思雖吾所生尚幼孩不可當大寶妥懽鐵木兒年已十三矣雖出於異腹而明宗第一子於理當立也乃遣使迎之於靜江元統元年六月妥懽鐵木兒即位於上都是為惠宗皇帝先是太師燕鐵木兒秉權恣行無忌一宴或宰十三馬取泰定皇后為夫人前後尚宗室女四十人後房充斥不能盡識一日宴平章政事趙世延宅男女駢列見坐隅一婦甚麗意欲與俱歸

惠宗立

燕鐵木兒溺血卒溺尿也

右丞相伯顏贈太師伯顏子也

唐其勢謀亂伏誅

顧左右曰此為誰對曰太師家人也其不自記率此類而荒淫日甚體羸神耗遂溺血而卒上納燕鐵木兒之女伯牙吾氏為后遂破弘吉刺氏之約自是變異日至右丞相伯顏秉政欲斥伯牙吾氏復舊約燕鐵木兒之子唐其勢及弟塔刺海念曰天下我家之天下伯顏何人而圖吾家遂謀立諸王晃火鐵木兒率壯士突入宮伯顏發兵掩捕唐其勢及塔刺海誅之晃火鐵木兒聞事敗自殺伯顏奏請執皇后伯牙吾氏除之后悲泣求救於上

伯顏弒皇后伯牙吾氏

復用世祖年号

上曰。汝兄弟為逆。豈能相救。乃命出宮。伯顏遂弒之。是歲改元至元。至元。世祖年號也。以世祖在位長久。上欲祖述之。監察御史李好文。上言。年號襲舊。自古未聞。襲其名而不踏其實。未見有益。因言時弊不如至元者十餘事。不報。三年春。廣東朱光卿聚眾反。稱大金國。建元曰赤符。河南棒胡亦舉兵反。四年夏。漳州周子旺舉兵。自稱周王。尋敗死。大丞相伯顏恃功專恣。矯詔竄殺諸王宗室。上意不平。六年春。詔免伯顏官。竄南恩州。道死。已而詔

群盜蜂起

廢文宗廟。謫太皇太后及皇弟

嬪母。叔母也

廢文宗廟。遷太皇太后弘吉刺氏於東安州。放其少子燕鐵古思於高麗。惡其嘗擯上為非。武宗之嫡。自當大寶也。監察御史崔敬。上疏言。文宗廢廟主。嬪母削鴻名。其盡孝正名。斯亦足矣。惟皇弟燕鐵古思。年幼而播遷。均是武宗之胤。天理人情。所不忍。方先皇登遐。皇弟尚在襁褓。未有知事。義當矜閔。伏望陛下。迎歸太后母子。以盡骨肉之義。書奏。不報。未幾。太后崩。東安州。燕鐵古思遇害於途。而薨。至正七年冬。公江盜起。官軍進討。反為所敗。

江淮盜起

方國珍起兵

兩淮運使宋文瓚上書請選智勇士討滅淮盜不報。台州黃巖之民方國珍入海為亂劫掠漕運。江浙參政朶兒只班討捕之不克。反為所擒。朝議授國珍官以招諭。國珍不敢拜命。勢益猖獗。御史張禎、李泌等上書獻征盜之策。亦不報。十一年春黃河決。丞相脫脫集群僚廷議漕運使賈魯請塞北河疏南河以復黃河故道。工部尚書成遵以為不可。曰：河之故道不可復。且山東連歉民不聊生。若聚二十萬眾於其地恐他日之患又有重於河者。

黃河決

韓山童起兵

脫脫不聽。四月詔發河南北兵十七萬人開黃河故道。先是地方群盜蜂起。有司不能制。及發丁壯開河。民心益愁怨。思亂。欒城人韓山童者。流言曰：天下大亂。彌勒佛下生。河南及江淮愚民翕然信之。潁州人劉福通與其徒俱詭言山童實宋徽宗八世孫。當為中國主。乃殺白馬黑牛。誓告天地。遂同起兵。得眾十萬。以紅巾為號。縣官捕之急。山童就擒。福通帥眾破潁州。遂據朱臯。攻羅山上蔡真陽。確山諸縣。尋犯武陽。陷汝寧府及光息二州。此

山童就擒其黨劉福通據朱臯

時方國珍燒掠沿海州郡。敗江浙左丞李羅軍。殺傷無算。遂擒李羅。朝廷未之知。七月。遣使復授國

珍官。國珍佯受之。以撓官軍。是月。斬州賊徐壽輝。據斬水稱帝。國號天完。十二年春。已破黃州。又陷

武昌。南攻九江。總管李黼拒戰死之。壽輝遂陷南康。遣其黨將趙普勝陳普略等。攻陷饒徽信瑞表

等五州。先是定遠人郭子興與其黨孫德崖等亦起兵。自稱元帥。攻拔濠州。據之。蕭縣人李二與其

黨趙均用。彭早住等。聚眾攻陷徐州。據之。官軍多

斬州徐壽輝稱帝

李黼拒戰不克而死

而先

定遠郭子興起兵

蕭縣李二起兵

秦不華與方國珍戰不克而死

敗潰。諸將逗撓不肯進。台州守將秦不華怒。方國

珍佯受官。發兵扼黃巖之澄江。遣義士黃大用促其來歸。國珍拘大用不遣。以小舸二百突海門。直

襲秦不華營。秦不華督眾逆戰。遂死之。上聞之。悼惜。詔贈秦不華官爵。追封魏國公。御史徹徹鐵木

兒奏言。諸州群盜。輒引亡宋故號。以為口實。宜徙趙氏遺孤及其親屬於僻遠。禁諸人交通。上從之。

徙故瀛國公之子趙完普等於沙州。命右丞相脫脫將諸軍出討群盜。八月。方國珍攻台州。浙東元

大舉討群盜

總管董搏霄復
杭州

丞相脫脫破徐
州

賈魯擊賊趙均
用不克而死

帥也。咸迷失，擊走之。天完徐壽輝遣陳普略攻杭州。江浙參政樊執敬拒戰死之。濟寧總管董搏霄移軍救杭州，大敗賊，復杭州。於是丞相脫脫自督兵先伐徐州，攻其西門，賊出戰，以鐵羽箭射其馬首。脫脫不為動，麾軍奮擊破之。賊首李二棄城遁。脫脫遣兵追擊，擒其將數十人，遂屠徐州。餘賊趙均用、收敗卒奔濠州。脫脫遣別將賈魯擊之，均用與郭子興、孫德崖合力拒守。賈魯戰不利，死之。餘兵潰歸，均用遂據濠州稱王。是冬，江西平章政事

星吉擊賊趙普
勝不克而死

泰州張士誠起
兵自立稱王

李節先節

星吉亦擊賊趙普，勝於湖口，連戰七日，衆寡不敵，遂死之。十三年夏，泰州人張士誠及其弟士德、士信起兵，陷泰州，遂據高郵，自稱誠王，國號大周。已有詔命使至，賊給曰：「李知府來，乃受命。」於是淮南行省令知府李齊往。至則下齊於獄。齊雖辯說百端，而士誠本無降意，呼齊使跪。齊叱曰：「吾膝如鐵，豈為賊屈！」士誠怒，使曳倒齊，槌碎其膝而高之。十四年夏，張士誠攻揚州，守將達識戰敗，諸軍皆潰。士誠尋陷盱胎及泗州，太師脫脫引大兵赴討。

哈麻誣劾脫脫兄弟

清臺御史府也

大戰於高郵城下。敗士誠衆。別遣兵西平六合。扼其要衝。賊勢大蹙。初脫脫之再為相也。宣政院使哈麻以事怨脫脫。是冬哈麻嗾御史劾脫脫出師無功。多傾國家財。以為已用。且其弟也。先鐵木兒庸才鄙器。玷污清臺。貪淫日甚。上不得已。詔削奪脫脫官爵。安置淮安。弟御史大夫也先鐵木兒安置寧夏。以太不花等代總其軍。後竄脫脫於雲南。哈麻雅受上寵。乃進西番僧曰善行秘密法。上召習之。僧教上行房中運氣之術。有驗。上大寵信之。

韓林兒稱帝於亳州

濠州朱元璋起兵

造龍舟於內苑。男女同乘。日以宴淫。非受秘密法者不得與。遂以哈麻為左丞相。雪雪為御史大夫。雪雪哈麻之弟。於是國家大柄盡歸其兄弟矣。是時潁州賊劉福通既陷十餘州。勢頗強大。十五年春。迎立故賊酋韓山童之子林兒為帝。建都亳州。國號宋。以制天下統一之策。然四方割據稱雄者衆。戰爭無虛日。兵亂歲饑。民不聊生。濠州人朱元璋有安天下救生民之志。乃收納英賢。置之左右。遂起兵。是歲六月。謀渡江取金陵。患無舟楫。巢湖

水寨軍帥俞通海等率眾萬餘船千艘來歸。元璋遂與諸將引舟師東下。破牛渚磯。進拔太平陶安。父老相率出迎。祝元璋頌天應人。以行弔伐。朝廷聞諸路群盜橫行。遣諸王失里門等諸將各帥兵討山東湖廣四川及濠泗起兵者。八月官軍大敗。劉福通等於大康。遂圍亳州。福通挾其主韓林兒走安豐。左丞相哈麻以淫褻媚上。然恐言者必議已。密謀廢上而立太子愛猷。識理達臘未幾事覺。御史劾奏哈麻兄弟淫褻蔑上。且鳩殺脫脫罪。上

官軍大敗宋劉福通

詔誅哈麻兄弟

赫怒。十六年正月。詔褫哈麻兄弟官爵。下有司誅之。是月。海賊方國珍歸順。詔為海道運糧使。弟國璋為衢州路總管。時朱元璋兵勢益振。攻畧江淮間。擒高郵賊張士德。其兄士誠氣奪。遂降元璋。十八年正月。天完將陳友諒破安慶府。淮南行省左丞余闕死之。三月。宋將毛貴破濟南路。河南行省右丞董搏霄死之。五月。宋元帥劉福通破汴梁。奉其主韓林兒居之。是冬。朱元璋取婺州。海道運糧使方國珍兄弟。以溫台衢及慶元之地降元璋。二

淮南左丞余闕河南右丞董搏霄並戰死

十年夏。天完將陳友諒弒其主徐壽輝。自立稱帝。建都江州。國號漢。二十一年秋。朱元璋伐漢。拔江州。漢主陳友諒走武昌。由是官賊諸將以城地降。元璋者十餘州。元璋進軍隆興路。先是天完將明玉珍據成都。勢震四川。及聞其主徐壽輝所弒。自立稱隴蜀王。已而稱帝。定都成都。國號夏。漢主陳友諒深恥江州之敗。二十三年七月。自督大兵圍隆興。朱元璋分諸將逆戰於鄱陽湖。漢軍敗績。友諒弟友仁、友貴及元帥陳普略等諸將皆死之。友

明玉珍稱帝於成都

朱元璋敗漢主陳友諒

諒冒死突出。欲奔還武昌。元璋麾諸將擊之。友諒中矢死。長子善兒所擒。將士皆降。獨張定邊乘夜以小舟載友諒屍及其次子理趨武昌。復立理為主。是秋。張士誠叛。朱元璋據平江。稱吳王。先是宋主韓林兒及其將劉福通等。為官軍所敗。棄汴梁。復走安豐。張士誠將呂珍乘宋兵敗潰。攻安豐。殺宋主及福通等。據其城。朱元璋怒其私用兵。極殘忍。擊走呂珍。士誠怨望。遂自立。時元璋遣諸將攻武昌。與漢軍連戰數月。勝負未決。二十四年正月。

朱元璋據江東建國

漢主陳理降吳主朱元璋

五代之時孟知祥據四川自立稱帝國號後蜀知祥之子昶嗣立頗極奢侈事見五代記中
吳主朱元璋毀漢主鏤金牀

朱元璋遂據江東建國號吳始置百司官屬二月以武昌久不下乃親往視師督諸將攻之擒其元帥張必先遣降將羅復仁入城諭漢主陳理使降陳理度力不可支率太尉張定邊等出降於是湖廣江西諸郡相繼皆降吳主元璋或以故漢主陳友諒鏤金牀獻吳主吳主觀之曰此與孟昶七寶溺器何異一牀工巧若此其餘可知陳氏父子窮奢極靡焉得不亡侍臣曰未富而驕未貴而侈此所以敗吳主曰既富豈可驕既貴豈可侈苟有驕

吳主朱元璋擒張士誠

吳主朱元璋遣兵陷上都

侈之心雖富貴豈能保乎即命毀之已而遣兵攻破平江擒張士誠士誠自縊死於是江東江南及而淮悉屬吳主二十七年冬吳主朱元璋遣諸將攻上都先是太子愛猷識理達臘與左丞相禿堅鐵木兒元帥孛羅鐵木兒等有隙構兵互相攻擊已而雖禿堅孛羅等伏誅都城荒亂及吳兵來攻衆不能支閏七月上集太子及后妃同議詔淮王鐵木兒不花監國以慶童為左丞相同守京城是夜北行避兵八月吳兵入京城上北駐應昌二年

元亡

而殂。太尉完者鐵木兒等奉梓宮北葬。謚曰惠宗皇帝。帝在位三十六年矣。改元者三。元自世祖一統天下。至是九世。八十九年而亡。

周清外史卷之十八終

